

Past.  
1089



297.6

M. 1520

# Eine Heerpredigt widder den Türcken.

Martinus Luther.



Se wol ich ynn meinem  
büchlin vom Türckenriege/ fast ge-  
nugsam vnterricht gethan habe/ mit  
welcherley gewissen vnd weise (wo  
sichs begeben) der krieg widder den  
Türcken solt für zu nemen sein/ Doch  
habe ich bey meinen lieben deudschen die gnade/ das  
sie mir widder glauben noch zu hören/ bis das sie zu  
lange harren/ vnd der glaube ynn die hand kömet/  
vnd denn widder hülffe noch rat da ist/ gleich wie  
dem volck Israel auch geschach/ das sie die Prophe-  
ten (als .j. Regum vltimo siehet) so lange ver-  
achten/ das zu letzt auch kein rat noch hülffe mehr  
da war. Eben so ist vns itzt auch gangen/ Nie-  
mand wolt glauben/ was ich vom Türcken schreib/  
bis das wirs nu mit so grossen iamer erfahren/ vnd  
so viel tausent menschen/ ynn so wenig tagen/ erwür-  
get vn weg gefüret gesehen haben/ Das wolten wir  
haben/ Vnd hette nicht Gott wunderlich vnd so vn-  
nersehens vns geholffen/ So solten wir erst ein rech-  
ten iamer ynn deudschen landen erfahren haben.

• Vnd kenne ich recht meine lieben deudschen/ die  
vollen serwe/ so sollen sie wol/ yhrer weise nach/ sich  
widderumb nidder setzen/ vnd mit guttem mut ynn

21 ij

aller



*1. Zug. v. l.*

aller sicherheit/ zehen vnd wol leben/ Vnd solcher  
grossen gnade erzeigt/ gar nicht brauchen/ sondern  
mit aller vndanckbarkeit vergessen/ Vnd denken/  
ha der Türcke ist nu weg vnd geflohen/ Was wollen  
wir viel sorgen vnd vnmitze koste drauff wenden?  
Er kömpt vielleicht nymer mehr widder/ Auff das  
wir ia vnser wol verdiente straffe von Gott redlich  
empfaben/ Wolan ich kan doch nicht mehr thun/  
Do ich anzeigt/ man solt des Türcken gewalt nicht  
verachten/ Ey das war ein spöttische vnd nichtige  
rede/ Da waren viel Fürsten mechtiger denn er/ Ich  
solte die deudschen fürsten nicht so schrecken noch  
verzagt machen/ Es nu die selbigen geffterer erfür  
tretten/ vnd die fürsten trösten/ vnd des Türcken  
macht verachten. Ich meine ia/ der Türcke habe sie  
zu lügenern/ vnd mein wort war gemacht.

*Reinhold des  
manns Brief*

• Aber doch vmb der gotlosen vnd Christus leste-  
rer willen/ nichts angefangen/ also auch vmb ybret  
willen nichts gelassen. Es haben könye vnd fürste  
en/ Bischoff vnd pfaffen bis her das Euangelion  
verragt vnd verfolget/ viel bluts vergossen/ vnd den  
dienern Christi alle plag vnd vnglück angelegt/ vnd  
ist die lesterung vñ schmach/ auch widder die offent-  
liche erkante warheit/ so vber die massen schendlich  
gros gewest/ vnd das volck so vber aus böse vnd  
mutwillig/ das ich hab weissagen müssen/ Deudsch  
land müsse ynn kurtz Gott eine terheit bezalen.  
Dasselbige gebet itzt daher/ vnd sehet an/ Gott hel-  
ffe vns vnd sey vns gnedig/ Amen. Denn weil sie  
widder Christum so trefflich zornig vnd böse sind/  
das

*Joseph Bauer*

das sie sein wort vnd diener vberbösen/ Vnd er mus  
leiden vnd schwach gegen sie sein/ So thut er war-  
lich recht nach dem sprich wort (Es ward nie keiner  
so böse/ Es kam noch ein böser vber yhn) vnd zeucht  
ab/ lest sich vber bösen/ Schicket aber an solche böse  
zornige innckern/ nach einen bösem/ den Türcken/  
Wil zusehen/ weil sie ia böse sein wollen/ welcher hie  
den andern vber bösen werde/ Sey nu böse/ wer bö-  
se sein kan/ itzt gilts bösens/ vnd vber bösens.

*Über  
Gnuss*

• Solchs wil ich gesagt haben/ widder die vn-  
puffertigen/ starrige feinde vnd verfolger des worts  
Christi/ Aber weil dennoch viel ynn deudschen lan-  
den sind/ die das wort lieben/ vnd Christus on zwey  
ffel/ nicht ein geringe zal glieder drynnen hat/ vmb  
der selbigen willen/ sol diese heerpredigt aus gehen/  
sie zu trösten vnd zuermanen/ ynn diesen grewlich-  
en fertlichen leufften/ Denn der teuffel sucht durch  
seinen zeng den Türcken/ freilich nicht allein die welt  
liche herschafft/ Sondern auch das reich Christi/  
vnd seine heiligen vnd glieder/ vom glauben zu sto-  
ssen/ wie Daniel sagt/ am siebenden Capitel. Dar-  
umb wil ich diese predigt ynn zwey stück teyten/ zu  
erst/ die gewissen vnterrichten/ darnach auch die  
faust vermanen.

*Amanns ich*

*Daniel 1:  
Amanns ich  
gnuss.*

• Das gewissen zu vnterrichten/ dienet wol zur-  
sachen/ das man gewis sey/ Was der Türcke sey/  
vnd wo für er zurhalten sey nach der schrift/ Denn  
die schrift weissagt vns von zweyen grausamen  
Tyrannen/ welche sollen für dem iüngsten tage die  
Christenheit/ verwüsten vnd zurstören/ Einer geist-  
lich

2 ij

*Diese Predigt wird zu Frankfurt gedruckt.*

*Daniel. 11.*  
*ij. Cap. ij.*  
*Daniel. 1.*  
*Marq. 27.*  
 lich mit listen odder falschem Gottes dienst vnd lere/  
 widder den rechten Christlichen glauben vnd Euan-  
 gelion/Danon Daniel schreibt am eylfften Capit.  
 das er sich sol erheben vber alle Götter/ vnd vber alle  
 Gottes dienst etc. Welchen auch Sanct Paulus  
 nennet den Endchrist/ ynn der ander Epistel/ zu den  
 Thessalon. am andern Capit. Das ist der Babst  
 mit seinem babstum/ danon wir sonst gung geschrie-  
 ben. Der ander/ mit dem schwerd leiblich vnd eusser-  
 lich auff's greulichst/ danon Daniel am siebenden  
 Capit. gewaltiglich weissagt/ Vnd Christus Mat-  
 thej am vier vnd zwentzigsten Cap. von einem trüb-  
 sal/ des gleichen auff erden nicht gewest sey/ das ist  
 der Türcke/ Also mus der teuffel/ weil der welt ende  
 fürhanden ist/ die Christenheit zuvor/ mit beyder sei-  
 ner macht auff's aller greulichst angreifen/ vnd  
 vns die rechte letze geben/ ehe wir gen himel faren.

*Wer will ein*  
*Christ sein*  
 fassen ein hertz/ ynn Christo/ vnd dencke nur nicht hin-  
 furt auff fride vnd gutte tage/ Die zeit solcher trüb-  
 sal vnd weissagung ist da/ desselbigen gleichen vnser  
 trotz vnd trost/ auff die zukunfft Christi/ vnd vnser  
 erlösung ist auch nicht fern/ sondern wird flugs  
 drauff folgen/ wie wir horen werden/ Darumb so  
 halt feste vnd sey sicher/ das der Türcke gewislich  
 sey der letzte vnd ergeste zorn des teuffels widder  
 Christum/ damit er dem fast den boden aufschützet/  
 vñ seinen grym gantz ausschüttet/ widder Christus  
 reich/ Dazu auch die grössste straffe Gottes/ auff  
 erden vber die vndanckbarn vñ gotlosen verachter/  
 vnd

vnd verfolger Christi vnd seines worts/ Vnd on  
 zweiffel der vorlauff der hellen vnd ewiger straffe/  
 Denn Daniel sagt/ das noch dem Türcken flugs  
 das gericht vnd die helle folgen sol/ Vnd man sibets  
 auch zwar/ wol an der that/ wie greulich er die leut/  
 kind/ weiber/ iung vnd alt erwürget/ spießet/ zu ha-  
 cket/ die yhm doch nichts gethan/ vnd so handelt/  
 als sey er der zornige teuffel selbs leibhaffig/ Denn  
 nie kein königreich also getobet hat/ mit morden vnd  
 wüeten/ als er thut. Wolan wir wollen das hie von  
 dem Propheten Daniel hören.

1 Vier keiserthum hat Daniel beschrieben/ die  
 auff erden komen sollen/ ehe der welt ende keme/ wie  
 wir lesen/ Danielis am siebenden Capitel.

2 Das er vier grosse thier sahe aus  
 dem meer steigen/ das erst/ war glei-  
 ch einer Lewin/ vnd hatte adellers  
 flügel/ Das ander war gleich einem  
 Beren/ vnd hatte drey rigen zeene  
 ynn seinem maule/ Das dritte/ war  
 gleich einem Parden/ vñ hatte vier  
 flügel/ vnd vier köpffe/ Das vierde  
 war ein grausam/ vnd wunderlich  
 thier/ vnd seer starck/ vnd hatte gro-  
 se eiserne zeene/ damit es fras vnd  
 vmb

vmb sich reis/vnd was vbrig bleib/  
 das zutrats mit seinen füßen/ Vnd  
 hatte zehen hörner/ Ich sahe die  
 hörner an/ vnd sihe/ zwischen den  
 selbigē wuchs ein ander klein horn/  
 fur dem selbigen wurden drey der  
 ersten hörnen abgestossen/ vnd das  
 selbige horn hatte augen/wie men-  
 schen augen/ vnd sein maul redet  
 gewlich ding/ Ich sahe zu/bis stüle  
 gesetzt wurden/ Vnd der Alte sich  
 setzet/ Das gericht ward gehalten/  
 vnd die bücher auff gethan/ Ich sa-  
 he zu/vmb der gewlichen rede wil-  
 len so das horn redet/ Vnd ward ge-  
 war/das das thier getodtet war/vñ  
 sein leichnam umbkomen/vnd vns  
 feur geworffen war zuuerbrennen/  
 Vnd der andern thier gewalt auch  
 auffgehoben war.

Das

Das ist ber text Daniel/auffs kirtzeit erzelet/  
 so viel vns itze not ist/ In die auslegunge folget ym  
 selbigen capitel hernach/da er spricht/ Ich trat zu  
 einem der da bey stand/ vnd fraget yhn vmb das al-  
 les die warheit/ Vnd er legt mirs aus/ vnd leret mich  
 also/ Diese vier grosse thier/ sind vier keiserthum/  
 die auff erden komen sollen/ Aber die heiligen des  
 Dohisten werden ynn ewigkeit das reich besitzen/  
 Darnach hette ich gerne gewußt/ was das vierde  
 thier were/ das so fast grausam war/ Welchs eiser-  
 ne zehne vnd pfoten hatte/ vnd fras vnd reis/ vnd das  
 vbrige mit füßen zutratt/ Vnd was die zehen hörner  
 auff seinem kopffe weren/ Vnd was das ander horn  
 were/ für welchem drey hörner gefallen waren/ Vñ  
 von dem selben horn/ das augen hatte/ vñ ein maul/  
 das gewliche ding redet/ vnd war grösser denn die  
 andern/ Ich sahe zu/ vnd sihe/ das horn streit wid-  
 der die heiligen/ vnd sieget yhn an/ bis der Alte kam  
 vnd hielt gerichte mit den heiligen des Dohisten/  
 vnd die zeit kam/ das die heiligen das reich besaßen.

Vnd er sprach also/ Das vierde thier wird das  
 vierde keiserthum sein auff erden/ Welchs wird grö-  
 sser sein/ denn alle königreiche/ vnd wird alle land  
 fressen/ zutretten vnd zu malmen/ Die zehen hörner  
 sind zehen könige/ so zu solchem keiserthum gehören  
 Vnd nach dem selbigen/ wird ein ander auff komen/  
 der wird mechtiger sein/ denn die ersten/ vnd wird  
 drey könige demütigen/ Vnd wird widder den Doh-  
 histen reden/ vnd die heiligen des Dohisten zutret-  
 ten/ Vnd wird sich vnterstehen/ ordnung vnd gesetz

B

31

Explanatio  
 prophecie

zu endern/ Vnd sie werden ynn seine hende gegeben werden/ eine zeitlang/ vnd aber etliche zeit/ vnd noch ein wenig zeit/ So wird denn das gericht gehalten werden/ das die gewalt auffgehoben werde/ vnd zu brochen/ vnd endlich vmb kome/ Aber das reich/ gewalt vnd macht/ so vnter dem gantzen hymel ist/ werde gegeben/ den heiligen des aller Wohhesten/ Welchs reich ist ewig/ vnd alle Könige werden yhm dienen vnd gehorsam sein.

• Diese weissagung Danielis/ ist eintrechtiglich von allen lernern ausgelegt/ von den vier folgenden kaiserthum/ Das erst/ das kaiserthum zu Assyrien vnd Babilonien/ Das ander/ das kaiserthum der Persen vnd Meden/ Das dritte/ das kaiserthum/ des grossen Alexanders vnd der Kriechen/ Das vierde/ das Römische kaiserthum/ welchs das grössert/ gewaltigst vnd grausamest/ dazu auch das letzte ist auff erden/ wie hie Daniel klerlich zeigt/ das nach dem Vierden thier odder kaiserthum/ das gericht folget/ vñ kein ander kaiserthum mehr/ sondern das reich der heiligen das ewig ist etc. Weil denn nu das gewis ist/ vnd keinen zweiffel hat/ das auff erden sol das Römisch reich das letzte sein/ wie auch ym andern Capitel Daniel zeigt/ ynn dem grossen bilde odder seulen/ die einen gülden kopff/ sylbern brust/ eberne hüfte/ vnd eisern schenckel hatte/ So mus das draus folgen/ das der Türck ym Römisch en kaiserthum sein wird/ vnd ym vierden thier mus begriffen sein/ Denn das ist beschloffen/ weil das Römisch kaiserthum/ das letzte ist/ So wird vnd kan

kan der Türcke nymer mehr so mechtig werden/ als das Römisch reich gewesen ist/ sonst würden nicht vier/ sondern funff kaiserthum auff erden komen/ Darumb mus der Türcke kein kaiser werden/ noch ein new odder eigen kaiserthum auffrichten/ wie ers wol ym syn habet/ Aber es würd vnd mus yhm gewislich seyn/ odder Daniel würde zum lügenen/ Das ist nicht möglich

• Weil aber zu dem der Türcke/ dennoch so gros vnd mechtig ist/ vnd ym Römischen reich sitzen sol/ müssen wir yhm ynn dem selbigen suchen/ vnd vnter den hörnern des vierden thiers finden/ Den es mus ein solch gewaltig ding ynn der schrift verkündigt sein. Wolan/ Dorn heist ein königreich ynn der schrift/ wie hie Daniel selbs sagt/ das die zehen hörner zehen Könige sind/ die zum vierden kaiserthum gehören/ So kan nu der Türcke/ keines der selbigen zehen sein/ denn die selbigen hörner sind die königreich/ so zum Römischen kaiserthum gehöret haben/ da es ynn seiner vollen macht gestanden ist/ als nemlich/ Hispanien/ Franckreich/ Italia/ Africa/ Egyptus/ Syria/ Asia/ Gretia/ Dentschland etc. Solch land haben die Römer alle gehabt yñ voller macht/ ehe denn der Mahometh odder Türck ist komen/ So spricht nu Daniel/ das nach solchen zehen hörnern/ erst kompt das kleine horn/ zwischen den zehen hörnern/ Die kompt vnd findet sich der Türcke/ Dann gleich wie das kleine horn/ vnter den zehen auff wechset/ vnd stößet der selbigen drey weg/ Also mus sie ia komen ein königreich/ das ynn den ehgenantten lenden vnd königreichen des vierden thiers od-

B ij der

*Das Römisch Reich. Was auff erden dz letzte sein*

der keiserthums wachse/ vnd der selbigen drey ge-  
winne/ Solchs alles zeigt vnd bezeugt auch das  
werck/ vnd stymmet mit dem Text/ das der Maho-  
meth dasselbige kleine horn sein mus/ Denn er ist  
von geringem anfang auff komen/ Er ist aber also  
gewachsen/ das er drey hörner ym Römischen key-  
serthum hat abgestossen vnd eingenomen/ nemlich/  
Egyptum/ Griechland vnd Asiam/ Denn der Sol-  
tan vnd Sarracener haben lange zeit dieser hörner  
odder königreich zwey ynnen gehabt/ Egypten vnd  
Asiam/ vnd sind also drinnen blieben sitzen/ wie auch  
der Türck drinnen sitzt auff den heutigen tag/ vnd  
hat das dritte horn/ Griechland dazu gewonnen/  
Solchs hat sonst neimand gethan/ vnd wir sehens  
da für augen stehen/ das geschehen ist/ Das ist/ Ma-  
homeths reich/ da haben wir das kleine horn gewis.

Ob nu wol der Türcke den Soltan veriaigt vnd  
solche lender eingenomen/ vnd seinen hoff odder sitz  
anders wo hellt/ denn der Soltan thet/ ist darumb  
kein ander odder new reich/ sondern eben dasselbige  
Mahomeths reich/ Denn beyde Soltan vnd Türck  
des selben vnd gleich eines glaubens sind/ nemlich/  
des Mahomeths. Das aber einer den andern ver-  
iaigt/ ist auch wol fast ynn allen keyserthumen ge-  
schehen/ das ein bruder den andern veriaigt/ ein  
ambtman seinen herrn vertrieben hat/ Wie geschä-  
chs ynn Persen/ da sie den keyserlichen sitz vnd hoff  
aus Medien ynn Persien versetzten/ bleib dennoch  
gleichwol dasselbige keyserthum/ Vnd das keyser-  
thum zu Assyrien von Ninive gen Babylon/ Vnd  
das

das Römisch von Rom gen Constantinopel versetzt  
ward/ also ist auch itzt das Mahomeths reich von  
Alkayr gen Constantinopel versetzt/ mit dem hofe  
lager/ Aber ist gleich wol dasselbige Reich des Ma-  
homeths blieben/ Denn person vnd hofelager müs-  
gen sich ynn eym reich wol endern/ das dennoch  
das reich für sich selbs bleibe/ ynn seiner weise/ regi-  
ment/ glaube vnd allem wesen.

So wir nu das selbige kleine horn/ den Maho-  
methen vnd sein reich hie gewislich haben/ So kön-  
nen wir nu leichtlich vnd klerlich aus Daniel ler-  
nen/ Wo für der Türcke vnd das Mahometisch reich  
zu halten sey/ Vnd auch/ was er für Gotte gelte/  
Erstlich sol er wol ein mechtiger herr sein/ als der  
dem Römischen reich/ drey hörner/ das ist/ drey fast  
die besten königreich/ als Egypten/ Gretiam/ Asi-  
an/ abgewinnen vnd behalten/ vnd damit Mechti-  
ger sein/ denn keines vnter den zehen hörnern ist/  
Das ist der klare text/ Vnd findet sich also ym wer-  
ck/ Denn kein könig/ so vnter den Römern geweest/  
als Franckreich/ Hispanien/ Welschland/ Dentsch-  
land &c. so mechtig ist/ als das Türckisch odder Ma-  
hometisch reich/ das der Türcke itzt hat/ Vnd sitzt al-  
so fast mitten ym Römischen Reich/ ia ynn des Röm-  
mischen keyfers hause zu Constantinopel/ wie das  
kleine horn vnter den zehen hörnern ym vierden thier  
bedeutet.

Zum andern hat das horn/ Menschen augen/  
das ist/ des Mahomeths Alkoran odder gesetz/ da-  
mit er regirt/ Inn welchem gesetz ist kein Göttlich  
auge/ sondern eitel menschliche vernunft/ on Got-  
tes wort

*Das Mahomeths Alkoran ab-  
geschrieben.*

*Das Buch Mahomet*

tes wort vnd geist / Denn sein gesetz leret nichts anders / denn was menschliche witz vnd vernunft wol leiden kan / Vnd was er ym Euangelio sünden hat / das zu schwer vñ hoch zu glauben gewesen / das hat er ausgethan / sonderlich aber das Christus Gottes sey / vnd vns erlöset hat mit seinem todte etc. Das meinet Daniel / da er des horns auge deutet vnd spricht / Er wird sich vnter stehen / gesetz vnd ordnung zu endern / vernym / Gottes ordnung / als das Euangelion vnd Christliche lere.

• Zum dritten / hats ein mal das redet gewulche ding / das sind die grausamen lesterungen / damit der Mahometh Christum nicht alleine verlencket / sondern auch gantz auff hebt / Vnd gibt für / Er sey vber Christum / viel höher vnd würdiger für Gott denn alle engel / alle heiligen / alle Creatur / dazu vber Christum selbst / wie das yn seinem Altkoran klerlich siehet / vnd die Türcken teglich rhümen / vnd yhe lenger yhe gewulcher solche lesterung treiben vñ vben / Darumb spricht hie Daniel von dem selbigen horn vnd deutet desselbigen grossen man. Er wird wider den Dhesten reden / das ist / wider Christum leren / yhn lesteren vnd schenden / damit / das er yhn nicht für den höchsten / sondern für einen schlechten / vnd viel geringern propheten hellt / denn sich selbst / vnd spricht / Christus lere habe ein ende / da Mahometh komen sey.

• Zum vierden / das er wider die heiligen des höchsten krieg füret / Dis darff ia keiner glosen / Ich meine / wir habens bisher wol gesehen vnd gefüet / Denn

*Rein volck ist er für die Christen*

Denn der Türck keinem volck so feind ist auff erden / als den Christen / Streit auch wider niemand mit solchem blutdurst / als wider die Christen / auff das er diese weissagung Danielis erfülle. Daniel aber heist / die Christen / heiligen des höchsten / Denn ob wol viel falscher Christen sind vnter dem hauffen / Weil aber das Euangelion vnd Sacrament / von Christo befolhen / ynn einem lande bleibt / so sind gewislich ynn dem selbigen lande viel Christen / Vnd wie wenig der selbigen ist / so wird doch dasselbige land / vmb yhrs glaubens / predigens vnd Euangelions willen / Ja vmb Christus willen / welchs name / wort / geist / Sacrament daselbst ist / Christenland vnd rechte heiligen Gottes genand / Darumb auch noch ynn der Türckey viel Christen sind / Vnd villeicht mehr denn sonst ynn einem lande / als die da gefangen sind vnd dem Türcken dienen müssen / der sie gewonnen hat / wie Daniel hie saget / das er siegen solle wider die heiligen / vnd vber sie herrschen.

• Gleich wie zur zeit Elias des propheten ym volck Israel geschach / Da so viel böser vnd wenig frummer leute waren / das Elias selbst meynet / Er were allein / vnd wündschet darumb tod zu sein / Aber dennoch wol sieben tausent funden wurden / die Gott yhm behalten hatte frumm vnd heilig / Vmb welcher willen / dennoch / das volck Israel Gottes volck vnd Gottes heiligen hießen / als hey welchen sein name / wort vnd geist wonete / Wie itzt auch vnd bisher vnter dem Papsttum geschehen / da es auch alles also gar ist verterbet gewesen / mit menschen leren vnd wercken /

*vij. Reg. xxiii*

wercken/das man schier keine Christen mehr gesehen hat/Abber dennoch haben etliche da müssen sein/weil Christus name/tauffe/Euangelion/Sacrament blieben ist/ Vmb welcher willen/auch das gantze land/der Christen land/vnd sie die Christenheit odder Christus volck vnd Gottes heiligen heißen/Denn Paulus sagt.i. Thess. iij. Der Endchrist der Bapst/solle ym tempel Gottes sitzen/ Tu ist der Tempel Gottes/die Christenheit odder die heiligen Gottes/wie Daniel redet.

*Des Turck*  
 Auch so mus man ynn diesem spruch Danielis mehr achten vñ richten nach des Türcken meinung vnd willen/denn nach der Christen zal/Denn der Türcke hellt hie keine rechnung noch vnterscheyd/wie viel odder wenig heiliger Christen vnter vns seyen/Er hellt einen wie den andern/achtet vns alle für Christen/wie denn der name Christus vns allen gemein ist/Denn er ist dem Christlichen namen feind/den selbigen wolt der teuffel gerne vnterdrücken mit dem schwerd des Mahomeths/wie er denn auch mit falscher lere bey vns den selbigen vnterdrückt/Vnd wil sich also an vnserm Herrn Christo rechnen/Also wil Daniel sagen/Das nach des Türcken gewissen vnd meinung alles Christen (das ist heiligen Gottes) sind/die er bekriegt/Vnd hellts dafür/das kein erger volck auff erden sey/denn die Christen/Darumb nennen vns auch die Türcken nicht anders/denn Paganos/das ist/heidn/Sich selbs aber halten sie für das heiligste volck auff erden.

Das funfft/das er (wie gesagt) glück hat ym Kriegen

*Der Turck hat glück im Kriegen*  
 Kriegen widder die Christen vnd gemeinlich obligt vnd den sieg behelt/Vnd dasselbige stück macht auch die Türcken/so stolzt/verstockt vnd sicher ynn yhrem glauben/das sie gar nicht zweifeln/yhr glaube sey recht/vnd der Christen falsch/als den Gott so viel sieg gibt vnd die Christen also verlesst/Wissen aber nicht/das hie ym Daniel also zu vor verkündigt ist/das die Christen vmb yhrer sünde willen hie auff erden gestrafft/vnd die vnschuldigen zu Merterer gemacht werden/Denn Christus mus Merterer haben/Darumb hat er allezeit die seinen lassen leiblich vnterligen vnd schwach sein/Widderumb seine feinde obligen vnd mechtig sein/Auff das er die seinen fege vnd reinige/darnach seine feinde/wenn sie wol angelauffen vnd auffs höchste komen sind/beymsuche mit dem hellischen feure ewiglich/Solch vrtail vnd weise wissen die blinden vnsinnigen leute nicht/Vnd meinen/weil sich Christus so schwach stellet/Es sey kein volck auff erden angenehmer denn sie/Abber gar weidlich lauffen sie an/vnd wird sich das spiel plötzliche wenden/ehe sie meinen/wie folgt.

*Christus vñ Merterer*  
*Das fünfft*  
 Zum Sechsten/sol flugs auffs Türcken reich vnd wueten/der iüngst tag vnd das reich der heiligen komen/Wie Daniel hie spricht/das des horns krieg vnd sieg sol weren/bis der Alte kome vnd setze sich zu gericht/Solch drewen vnd schrecklich gericht glauben die Türcken auch nicht/das Gott damit vns erlösen/vnd sie ynn die helle stossen wird/Wie lange aber das weren solle/das er so sighthaft sey/

*Di Turck hat vns mir andershr den Paganos*

*Can*

Mark. xxij.

kan niemand wissen / Denn Christus sagt / das von dem tage niemand wissen solle / on der Vater alleine / wie denn hie Daniel auch mit tunceln worten sagt / Sie werden ynn seine hende gegeben eine zeit lang / vnd aber etliche zeit / vnd noch ein wenig zeit / So wird denn das gericht gehalten werden .

1  
Aus dem es scheint / das des Türcken reich von hymel gestörtzt werden sol / Vnd kein König kommen werde / der yhn vnterdrücke vnd mechtiger werde nach yhm / wie auch Daniel hie sagt / das der leib des vierden thiers nach dem grossen lestem des kleinen horns yns feur sol geworffen werden zunerbrennen . So stehet ia auch ym Apocalypsi am zwentzigsten / das der Gog vnd Magog / solle durchs feur vom hymel verzeret werden / Eben dasselbige schreibet auch Ezechiel am dreyssigsten capitel / das Gott wolle feur vnd schwefel vber Gog vnd Magog regenen lassen vnd vber yhr heer / Tu ist kein zweifel / Gog / sey der Türcke / der aus dem land Gog odder der Cattern komen ist ynn Asian / wie die historien beweisen .

2  
Weil aber dennoch Christus hat zeichen gegeben / da bey man kennen sol / wenn der iüngst tag nahe sey / vnd dem nach / wenn der Türcke ein ende haben werde / So können wir sicherlich weissagen / das der iüngst tag müsse für der thür sein / Denn weil Daniel hie sagt / das ym vierden thier das kleine horn solle das mechtigste vnd letzte sein / Vnd wir sehen öffentlich / das ynn des Römischen reichs ländern kein mechtiger ist / denn der Türcke / vnd nach yhm

Gog. ist der Turck

yhm keiner mehr komen wird / so ist die schrift des Türcken halben schon erfüllet / Denn / Er hat die drey hörner weg ( wie gesagt ) Vnd Daniel gibt yhm kein horn mehr / Dem nach ist zu hoffen / das der Türcke hinfurt kein land des Römischen reichs mehr gewinnen wird / Vnd was er ynn Hungern vnd Deudschen landen thut / das er mit den vnsern vnd die vnsern mit yhm haben werden / Vnd damit ein ende / also das er Hungern vnd Deudsche land wol zausen mag / aber nicht rügelich besitzen / wie er Asian vnd Egyptum besitzt / Denn Daniel gibt yhm drey hörner vnd nicht mehr / zwackt vnd reisset er et was den grentzen vnd nachtbarn abe / das sey sein schlaff trunck zu guter nacht .

3  
Darumb der krieg vnd sieg des Mahomeths / dauon Daniel sagt / ist am meisten geschehen vnd erfüllet / ynn Asia / Bretia / Egypto / Vnd wird also ein ende nemen / wenn er am aller mechtigsten vnd auff's aller best gerüst ist / das er gleich sicher daher schwebt vnd feret / als dem nu niemand weren noch widderstehen könne / vnd noch viel land zu gewinnen gedencet / Eben wenn das selb stündlin kommen wird / das er so viel noch thun wil / vnd trotzig vnd gyrig sein wird / Da wird Christus mit schwefel vnd feur vber yhn komen / vnd fragen / warumb er seine heiligen / die yhm kein leid gethan / on alle vrsache / so grewlich verfolget vnd geplagt habe / Allen . Denn die schrift ist alle erfüllet / So sind die se zeit her so viel zeichen geschehen / Vnd ist so gros lie  
C ij cht des

*Der Turck ist ein feinder Chriſtus. Vnd ein leſterer Chriſt*

cht des Euangelij für handen/dazu ſolch gros leſtern/mutwillen/freuel/yinn der welt/als nie geſewest/auch nicht erger ſein künde./Es mus brechen vnd ein ende haben.

• Bis her haben wir nu geſehen/Wo für der Türcke vnd ſein Mahometiſch reich zu halten ſey/nach der heiligen ſchrift/nemlich/das er ſey ein feind Gottes vnd ein leſterer vnd verfolger Chriſti vnd ſeiner heiligen/durch ſchwerd vnd ſtreit/also das er gleich darauff gericht vnd geſufft iſt/mit ſchwerd vnd kriegem/widder Chriſtum vnd die ſeinen zu wüeten./Denn ob wol andere könige vorzeiten auch haben die Chriſten verfolget mit dem ſchwerd/ſo iſt doch yhr reich vnd regiment nicht drauff geſufft vnd gericht geweſt/das ſie Chriſtum leſtern vnd bekriegen ſollen/ſondern geſchicht zufalls aus eynem mißbrauch./Wats ein könig verfolget/So iſt ein ander könig hernach gut geweſt/vnd hats laſſen gehen./Das also/nicht die königreiche odder regiment an yhm ſelbſt widder Chriſtum geſtrebt/ſondern die perſonen/ſo das regiment gehabt haben/ſind zu weilen böſe geweſen./Aber des Mahomets ſchwerd vnd reich an yhm ſelber/iſt ſtracks widder Chriſtum gericht/als hette es ſonſt nichts zu thun/vnd könne ſein ſchwerd nicht beſſer brauch/en/denn das er widder Chriſtum leſtert vnd ſtreitet/wie denn auch ſein Altkoran vnd die that dazu beweiſen.

• Aus dem kan nu ein iglicher ſein gewiſſen rich= ten vnd verſichern/wo er zum ſtreit widder den Türcken gefoddert wird/wie er gedenden vnd ſich halten

*Was ſich unter der welt der turck ſeyn wil*

ten ſol./Nemlich/das er keinen zweifel haben ſol/Wer widder den Türcken (ſo er krieg anſehet) ſtreit/das er widder Gottes feind vnd Chriſtus leſterer/ia widder den teuffel ſelbs ſtreit./Also das er ſich nicht beſorgen darff/ob er etwa einen Türcken erwürgt/das er unſchuldig blut vergieſſe odder einen Chriſten erwürge./Sondern gewiſſlich erwürget er/einen feind Gottes vnd leſterer Chriſti/als den Got ſelbs durch die ſchrift Danielis für einen feind Chriſti vnd ſeiner heiligen/zum helliſchen feur verurteilt hat./Darumb auch kein Chriſten noch Gottes freund ynn des Türcken heer ſein kan/er ver= lengne denn Chriſtum vnd werde auch Gottes vnd ſeiner heiligen feind/ſondern ſind alle des teuffels eigen/vnd mit dem teuffel beſeſſen/wie yhr herr Mahometh vnd der Türckiſch keiſer ſelbs./Denn du muſt die wort Danielis wol faſſen vnd mercken/da er dem kleinen horn das leſtermaul widder Gott vnd den ſtreit widder die heiligen Gottes zu ſchreibt/Welche wort nichts guts/ſondern alles vbel vnd boſheit vom Türcken odder Mahometh zeugen.

• Darumb hab ich ym vorigen büchlin auch ſo trewlich geraten./Das man nicht ſolle widder den Türcken kriegem/als vnter der Chriſten namen/noch mit ſtreit angreifen/als einen feind der Chriſten./Denn hie höreſtu/das dem Mahometh odder Türcken der ſieg widder die Chriſten vnd heiligen verkündigt iſt/wie denn biſher geſchehen iſt/yinn den drey hörnern/die er abgeſtoſſen hat/das iſt/yin Cretia/Asia/Egypten/Chriſtus wil ſchwach ſein/vnd

C iij leiden

1. 401

leiden auff erden mit den seinen/auff das er die gewaltigen zu narren vnd zu schanden mache / vnd branche yhres wüetens dazu/das sie yhm ( wie wol vnwissend ) den hymel voll Merterer vnd heiligen machen/da mit sein reich deste ehe vol werde/vnd er zu gericht kome vnd den tyrannen yhren lohn gebe/ehe sie sichs versehen.

Sondern so hab ich geraten vnd rate noch also/das wol ein iglicher sich vleissigē sol/ein Christen zu sein / willig vnd bereit zu leiden vom Türcken vnd yderman/Aber solle nicht streiten/als ein Christen odder vnter eins Christen namen/Sondern las diesen Weltlichen oberherrn kriegen/Vnter desselbigen panier vnd namen soltu reisen/als ein weltlich er vntersass nach dem leibe/der seinem oberherrn geschworn ist/mit leib vnd gut gehorsam zu sein/das wil Gott von dir haben/zun Römern am dreyzehenden/Titum am dritten capitel/Vnd sonderlich/wol solcher streit geschicht/nicht aus fürwitz/gut vnd ehre zu erlangen/sondern zu schützen vnd schirmen land vnd leute/weib vnd kind ꝛc. wie dieser krieg ist widder den Türcken/Also lesen wir von den lieben heiligen S. Moritz vnd seinen gefellen vnd viel andern heiligen/das sie ynn streit gezogen sind / nicht als Christen/auch nicht widder die Christen/Sondern als vnterthenige gehorsame bürger odder ritter/gefoddert vnd beruffen von yhrem keiser odder ander yhrer oberkeit/den sie mit leib vnd gut zu dienen schuldig waren / Vnd hies nicht ein Christen heer odder volck/noch ein Christen streit/Sondern des keisers volck odder heer.

Sibe

Sibe/also stehet denn dein gewissen recht vnd fein/vnd kanst ein mütiger freydiger man sein / das solch hertz vnd mut/on zweifel deinen leib vnd ross auch deste stercker machen wird / Denn du bist gewis/das du ynn deins oberherrn gehorsam vnd yn Gottes willen vnd befelh zeuchst vnd streitest/der dir solche heerfart auff legt vnd von dir haben wil/ So darffstu auch nicht sorgen noch fürchten / das du ynn der Türcken heer vnschuldig blut treffest/weil du hörest/das sie von Gott / als seine feinde/zum tode vnd zur hellen/verurteilt sind/Vnd gebeut dir/durch deinen oberherrn/das du solch vrtel / an dem Türcken volbringen solt / vnd itz deine faust vnd spies/Gottes faust vnd spies ist vnd heist/Vnd bist also Gottes des aller grösssten herrn / scharffrichter odder hencker / widder seinen grossen verdampften feind/Wie köntestu ehrlicher vñ löblicher streiten?

Gerets aber/das er dich ersticht odder erschleht/wie kanstu redlichers tods sterben/so du anders ein Christ bist? Denn/zum ersten stehet da Daniel vnd macht dich zum heiligen/da er spricht/ Der Türcke streite widder Gottes heiligen / Das auff der Türcken vnd teufels seiten die fabr stehet/das er als ein mörder/eitel vnschuldig vñ heilig blut treffe/vnd so viel heiliger merterer mache / so viel er auff unser seyten erschlegt / Wie es denn gewis ist / das er eitel vnschuldig blut trifft / weil er die angreiff/da er kein recht noch ursache zu hat / vnd on befelh vnd not / solch morden für nympt/So ist auch gewis/das er viel merterer mache/ (Denn es müssen Christen



dazu die lere vnd den namen Christi/als seyen die Christensolche böse/vntrewe/falsche leute/die nicht dienen/sondern entlauffen/vnd sich selbs entwenden wollen/als die schelcke vnd diebe/vnd werden da durch ynn yhrem glauben herter vnd verstockter/Widderumb/wo du trewlich vnd vleissig dienetest/würdestu das Euangelion vnd den namen Christi/schmücken vnd preisen/das dein herr/vnd villeicht viel ander/wie böse sie weren/sagen müsten/Wolan/Nu sind doch die Christen/ein trew/geborsam/frum/demütig/vleissig volck/Vnd würdest dazu der Türcken glauben damit zu schanden machen/vnd villeicht viel bekeren/wenn sie sehen würden/das die Christen/mit demut/gedult/vleis/trew/vnd der gleichen tugenden/die Türcken so weit vbertreffen/Das meinet S. Paulus/da er Titum am dritten Capitel spricht/Die knecht sollen die lere vnser Herrn schmücken odder zieren ynn allen dingen.

Denn wie böse kans denn sein/einem Türcken odder heiden zu dienen? so fern du glenbig vnd ein Christ bist vnd bleibest/Mus doch hie bey vns mancher dienen/einem buben/tyrannen odder bösen herrn/Ja wie müssen wir thun vnter dem Papstum/da vnser tyrannen/vns fangen/zwingen/verziagen/treiben/brennen/köpffen/erseuffen/vnd erger mit vns handeln/desi die Türcken mit dir thun/Noch müssen wir/weichen/dulden/leiden/dienen/helffen/raten/beten/heben vnd tragen/Welchs du alles mit vns wagen vnd warten müstest/wo du mit

mit vns woltest ein Christ sein vnd Christum bekennen/Denn der Papst ynn dem stück viel erger ist/denn der Türcke/ Der Türcke zwinget doch niemant/Christum zu verleugnen/vnd seinem glauben anhangen/Vnd wenn er gleich auff's höhest wütet/mit leiblich morden an den Christen/so thut er damit nichts (so viel an yhm ist) denn das er den hymel vol heiligen machet/Denn seine lesterung widder Christum/vnd sein eusserlicher heiliger schein/zwingen nicht/sondern versuchen vñ locken/Aber der Papst/eben damit/das er wil nicht feind noch Türcke/sondern der liebe Vater/ia der aller heiligst vater vñ aller treweste hirte/sein/füllet er (so viel an yhm ist) die helle mit eitel Christen/Denn er reisset die edlen seelen von Christo/durch seine lesterliche menschen lere/vnd füret sie auff eigen gerechtigkeit/welchs ist/das recht geistlich morden/vnd schier so gut/als des Mahomets odder Türcken lere vnd lesterung/Wo man aber yhm solcher hellischen teuflischen verfürungen nicht wil gestatten/nimpt er sich des Türcken weise auch an/vnd mordet auch leiblich/Vermöchte ers/on zweifel/er solt wol grösser mord vnd blut vergiessen anrichten/denn der Türcke/wie sie bis her wol beweiset haben/mit so viel kriegen/hetzen vnd reitzen/vnter Keiser vnd Königen &c.

Summa/Wo wir hin komen/da ist der rechte wirt der teuffel da heym/Komen wir zum Türcken/so faren wir zum teuffel/Bleiben wir vnter dem Papst/so fallen wir ynn die helle/Eitel teuffel auff

D ij beiden

Mancherley  
 das ist  
 mancherley

Summa/Wer kan allerley fahr des todes er-  
 zelen/darynn wir teglich schweben/ zu wasser/ zu  
 feur/ zu feld/ zu haufe/ ynn der luft/ auff erden/ So  
 viel thier/ so viel seuchen/ sind vmb vns/ Der fellt  
vom dach/ der vom ros/ der fellt ynn sein messer/ etz-  
lich/ hengen/ erstechen/ ersuffen sich selbs/ Der  
kompf sonst/ der so vmb/ Der wird vmb gelts wil-  
len/ der vmb eins weibs willen/ der vmb eins worts  
willen/ Ja etlich vmb wolthat willen/ erschlagen/  
 So mancherley töde müssen wir teglich gewarten/  
 vnd wagens etlich mit freunden/ da doch kein redlich  
 vrsach noch Göttlich befelh ist/ dazu die hinfart fer-  
 lich/ vnd mistlich ist/ wie man dort ankome/ Vnd  
solten vns hie so faul odder verzagt stellen/ da wir  
gewissen Gottes befelh vnd gefallen haben/ vnser  
oberkeit zu gehorchen mit leib vnd gut/ Dazu so wir  
Christen funden werden/ gewis das ewige leben  
mit den heiligen haben/ Were doch solcher tod zu  
suchen an der welt ende/ wenn das stündlin da ist/  
Vnd wer sich solchs nicht bewegen lefft/ dem were  
kein billicher fluch zu wünschchen/ denn das er zum  
Türcken siele vnd ein Türcke würde/ des teuffels leib  
eigen/ wie sein herr der Türcke ist/ von Gott zum to-  
de vnd der hellen verdampft.

Solchs alles rede ich für die/ so Christen sind  
 odder gerne weren/ das sie wissen/ wie sie sich zu die-  
 ser zeit richten vnd trösten sollen/ das sie nicht zu fast  
 erschrecken für dem Türcken/ noch für dem teuffel  
 seinem Gott/ Denn wenn der Türcke die Christen  
 (so es möglich were) schon alzu mal fresse/ hette er  
 damit

Der Türck vnd ein furcht für die Christen

damit nichts gewonnen/ denn das sein verdammis  
 desie grösser würde vnd deste eilender keme/ vnd die  
 Christen deste ehe gen hymel füren/ Er sey so zornig  
vnd wüetig/ als er vmer wil/ mit allen teuffeln dazu/  
so mus er knecht vnd diener sein der Christen/ Vnd  
eben damit zu yhrem besten helffen/ damit er sie mey-  
net zu verderben/ Denn da stehet Daniel/ vnd sprich-  
et/ Es seyen heiligen/ die er schlegt vnd würet/  
So spricht S. Petrus/ Vnd wer ist der euch schaz-  
den kan/ so yhr dem guten nach strebt? Dauid auch  
ym hundert vnd funffzehenden Psalm/ D wie köst-  
lich ist für dem Herrn der tod seiner heiligen/ Vnd  
ym ein vnd siebentzigsten Psalm/ Vnd yhr blut ist  
theur für seinen augen/ Solche vnd der gleichen  
tröstliche/ herrliche sprüche/ machen ein solch vrtail/  
das der Türck sey ein heiligen mörder/ vnd thu yhm  
selbs damit den grösten schaden ewiglich/ Widder-  
umb/ das sein zorn vnd morden/ müsse hie zeitlich  
dienen vnd helffen/ den Christen zu grosser ewiger  
herrligkeit/ on seinen danck/ on seinen willen vnd  
wissen.

Wer teuffelt vnd mordet nu hie den andern am  
 besten/ Der Türcke mordet die Christen zeitlich zum  
ewigen leben/ Aber eben ynn dem selbigen mordet er  
sich selbes zum ewigen hellischen feur mit allen teu-  
ffeln/ Denn die Christen haben zu herrliche mech-  
tige sprüche/ wie gehört/ Vnd Daniel heisst sie heil-  
igen/ vnd den Türcken einen heiligen mörder/ Da  
wird er nicht viel an gewinnen/ vnd die Christen ni-  
cht viel verlieren/ Aber so sol der Mahometh mit  
den seinen bezalet werden/ vnd die Christen an sich  
 D ij selbs

1. Per. ij

beiden seiten vnd allenthalben/So stehet es leyder  
itz ynn der welt/ vnd gehen die sprüche Christi vnd  
S. Pauli ym vollem schwang/das ynn den letzten  
tagen / sol ferliche vnd grausame zeit sein / da der  
teuffel los worden / alle welt verführet / vnd solch  
samer vnd not anricht/das kein Mensch künd selig  
werden/wo Gott die selbigen tage nicht würde ver-  
kürtzen/vmb seiner außserweleten willen/Es nms  
also gehen zur letze/das der teuffel die Christenheit/  
mit aller macht / auff allen seiten angreiffe/beide  
leiblich vnd geistlich/vnd sein bestes vnd hohestes  
an yhr versuche/damit ein ende.

Darumb lasse vns wachen vnd wacker sein  
ynn festem glauben an Christum/Vnd ein iglicher  
halt sich vnter seiner oberkeit/gehorsam/vnd warte  
was Gott machen wird/Vnd las gehen/was da  
gehet/saren wie es feret/Es ist doch hinfürt nichts  
guts mehr zu hoffen/Das töpffen ist zu brochen  
vnd die suppen verschüt / wir mügen die scherben  
vollend hinach wagen/vnd so viel es möglich ist/  
guts muts dazu sein/wie vns Christus leret vnd  
spricht von dieser bösen zeit/Luce am ein vnd zwen-  
zigsten Capitel/Wenn yhr solchs sehet/das ange-  
het/so sehet auff vnd richtet ewr heubt auff/denn  
ewr erlösung kömpt vnd ist nahe.

Doch das ich das nicht vergesse/Wenn du vn-  
ter dem Türcken bist vnd dienen must/wie gesagt  
ist / so solt du solchen dienst nicht weiter verstehen  
noch deuten / denn so fern es deinem haus herrn  
nützet

nützet zu seinen gütern/Wenn er dich aber zwingen  
wolt/widder die Christen zu streiten/da soltu nicht  
gehorsam sein/sondern lieber alles leiden/was er  
dir thun kan/ia viel lieber sterben/Denn du hörest  
hie/das Daniel vom Türcken schreibt/Sein streit  
sey widder die heiligen Gottes/die yhm nichts ge-  
than haben / vnd vergeußt eitel vnschuldig blut /  
Da mustu dich für hüten/das du dich des nicht teil  
hafftig machest/Gleich wie du seinem lesterlichen  
abgott vnd Mahometh nicht must zufallen/ob du  
gleich vnter yhm dienen must/Bleib doch der fru-  
me Naaman/ym dritten buch der Könige am funff-  
ten Capitel / ynn seines herrn königes dienst / vnd  
bettet auch mit yhm ynn seinem tempel/Aber den-  
noch bettet er seinen abgott nicht an/Vnd die lieben  
heiligen Merterer S. Moritz vnd seine gesellen/da  
sie der Keiser hies widder die Christen streiten/wol-  
ten sie es nicht thun/worffen die waffen weg vnd  
sprachen/Wenn er wolt widder die Christen strei-  
ten/dürfft er keine ander suchen/sie weren selbs da  
als Christen leute/bereit zu leiden was er wolte.

Eben also soltu deinen dienst den Türcken auch  
leisten / das du damit nicht widder die Christen /  
noch widder Gott strebest / sondern allein seinem  
haus vnd gütern zum besten helfest / Solchs wil  
ich auch gesagt vnd geraten haben allen den iheni-  
gen/so vnter vnserm Keiser/Bapst/Fürsten/leben/  
das sie sich nicht gebrauchen lassen / widder das  
Euangelion odder widder die Christen zu streiten/  
odder sie zu verfolgen/Denn damit werden sie vn-  
D ij schuldig

4 Mörder von der Türcke pflügt die kinder zu brennen

selbes rechen/ vnd seinen lohn von sich selber empfangen. Darumb halt ich das nicht für ein meisterstück/ das der Türcke die Christen zu schrecken/ yhre kindlin zu hewet/ zu sticht/ vnd auff die zaunstecken spießet/ vnd was sonst nicht kan/ alles erwidret vnd grausam handelt/ Es ist mehr ein gros narrenstück/ auch für der welt/ Denn damit würde kein frum man sich schrecken lassen/ das er sehe sein kind vnd weib zu hacken vñ zu spießen/ sondern viel mehr zornig vnd bitter werden/ vnd vollend hinan setzen vnd wagen strumpff vnd stil/ vñ was da noch vbrig were/ Vnd ob er tod were/ würden odder solten yhe die andern vbrigen deste bitterer vnd zorniger werden/ auch alles vollend/ an die teuffels gelieder zu wagen.

Aber für den Christen ist solche wütereij viel weniger schrecklich/ Denn die wissen/ das solche gespiessete vnd zu hackte elende kindlin vnd frume leute/ eitel heiligen sind/ Vnd das yhn der Türcke das hunderste teil nicht künde so viel guts thun/ wenn er ein iglichs/ auch zum Türckischen keiser selbs machte/ als er damit thut/ das er sie/ aus des teuffels zorn/ so grausam handelt/ Denn er opffert sie damit Gott ynn den hymel/ Vnd künde auch alle welt sich nicht so reichlich vnd herrlich an yhm rechen/ als er an sich selbs solche leute rechet/ Denn er stößet sich selbs damit ynn abgrund der hellen/ Ja sprichstu/ Des lachet er vnd fragt nichts darnach/ mit allen den setnen? Wolan/ er solt auch lachen/ dazu nicht werd sein/ das ers glauben odder erkennen solle/ Christus wird yhn das lachen bald vertreiben/ vnd  
das.

Dem Christen ist die zornige pflügung

das alles wol lernen/ Denn ich dis/ wie gesagt/ den Christen schreibe zu trost/ vnd nicht den Türcken odder Türcks genossen zu lachen/ Daniel hat yhm für vns allen gnug geschrieben/ da er yhn einen feind vnd lesterer Gottes/ zum hellischen feur verdampt/ verkündigt/ Wird Daniels schriftte veracht/ so ligt nichts dran/ ob vnser schriftte auch verlacht werde/ Wir haben den text/ der vns nicht leugt noch treugt/ das Gottes heiligen sind/ widder welche der Türcke streit/ Sinda heiligen Gottes/ so fragt ein Christen nicht gros darnach/ wie grausam der Türcke odder der teuffel mit den kindlin vnd Christen cusslich am leibe umbgehet/ Es müssen doch Engel da sein/ die auff yhre seele warten/ vnd sie auff den henden tragen vnd gen hymel bringen.

Psalm.  
90.

Matth.  
18.

Denn es stebet geschrieben ynn dem neunzigsten Psalm/ Er hat seinen engeln befelh vber dir gethan/ das sie dich auff den henden tragen/ auff das du deinen fuß nicht an einen stein stoffest/ So spricht auch Christus Matthei am achtzehenden/ Ich sage euch warlich/ das yhr engele sehen allezeit das angeicht meines Vaters ynn himel/ Wir lesen ynn der könige bücher vom propheten Elisa/ wie er ganze berge vol feurriger wagen vnd reuter vmb sich seinem diener zeigte widder die Syrier/ So dazu mal so viel Engel vmb die stad waren zum leiblichen schutz/ wie viel mehr/ meinstu wol/ das hie ynn solchem streit/ die Engel da sind/ empfangen vnd beschützen geistlich die seelen der Christen/ odder wie Daniel sagt/ der heiligen Gottes/ Das aber die  
D iij Chri

iiiij. Zug. vij.

schuldig blut auff sich laden/vnd nichts besser sein/  
 denn die Tärcken/Wan mus Gott mehr gehorsam  
 sein/denn den menschen/So hat Gott keinem her-  
 ren die oberkeit der massen gegeben/odder die leute  
 vnterworffen/das er damit solle widder Gott vnd  
 sein wort streben odder fechten/Vnd ist auch ynn  
 solchem fall/kein vnterthan seiner oberkeit/ein har-  
 breit/schuldig odder verwand/ Ja es ist als denn  
 schon kein oberkeit mehr/wo solchs geschicht/Son-  
 dern die vnterthanen sind schuldig/der oberkeit leib-  
 lich zum besten zu dienen/das fride auff erden er-  
 halten werde/vnd bis leiblich leben müge deste sicher  
 sein vnd wol stehen.

Aber Gott der Vater aller gnaden vnd weis-  
 heit/wolle vns diese zeit gnediglich verkürtzen/vnd  
 vns mit weisheit vnd stercke begaben vnd bereiten/  
 das wir die weil weislich vnd manhafftig wan-  
 deln/vnd der zukunfft vnsern lieben Herrn Ihesu  
 Christi frölich warten/vnd von diesem iamertal se-  
 liglich scheiden mügen/Dem sey lob vnd danck/ehre  
 vnd preis ynn ewigkeit/AMEN.

Bedruckt zu Wittenberg durch  
 Nickel Schirlentz / Anno  
 M D XXIX.

Warum die Christen nicht allezeit beschützt seind

Christen nicht allezeit werden beschützt seindlich von den Engeln/wie ym alten testament/hab ich droben angezeigt/Das Christus wil vnd mus hie auff erden/leiden/schwach sein/vnd sich tödten lassen/auff das sein reich eilend gemehret vnd vol werde/Denn sein reich ist nicht seindlich auff erden/Darumb ist sein streit am sterckisten/wenn viel leiden da ist/vnd viel merterer werden/wie er S. Paulo antwortet ynn der andern Episteln zun Corinthern am zwölfften Capitel/Las dir benügen an meiner gütten/Denn meine krafft wird vollkommen ynn schwachheit.

Also thun ynn diesem sal die Christen auch/Lassen yhn benügen an der gnade/das sie Christen vnd Gottes heiligen sind/durch vnsern Herrn Christum/wie Daniel sagt/Vnd wenns nicht anders sein wil/lassen sie den Türcken ymer hin siegen/thumen vnd pochen/bleiben sie schwach vnd lassen sich martern/Denn sie sehen/das gleich wie bey yhrem sterben eitel Engel sind/die auff yhre seele warten/Also widerumb yns Türcken heer/eitel teuffel sind/die auff der Türcken seele warten/vnd sie ynn abgrund der hellen stoßen/Nicht das sie waffen vñ wehre von sich werffen/vnd sich also von den Türcken wehrlos ermorden lassen solten/wie die Mörder/ausser der kriegs hendeln gethan haben/vnd noch thun vnd thun sollen/Sondern weil die Christen mit leib vnd gut/Weltlicher oberkeit vnterworfen sind/Vnd sie alle/ein iglicher von seiner oberkeit zum streit widder den Türcken gefoddert vnd beruffen werden/sollen sie thun/als die trewen gehorsamen

Warum die Christen nicht allezeit beschützt seind

men vnterthanen(wie sie denn gewislich thun/so sie rechte Christen sind) vnd mit freunden/die faust regen vnd getrost drein schlagen/morden/rauben/vnd schaden thun/so viel sie ymer nützen/weil sie eine ader regen können/Denn solchs gebeut yhn yhr weltliche oberkeit/welcher sie gehorsam vnd solchen dienst schuldig sind/Vnd Gott von yhn wil haben/bis yn den tod hinein/zun Römern am dreyzehenden/Titum am dritten Capitel.

Gleich wie vorzeiten die heiligen merterer(wie droben gesagt) gethan haben/Wenn sie vom Keiser etwa widder einen Tyrannen odder ander feinde gefoddert würden/worffen sie freylich nicht die waffen vnd wehre von sich/vnd liessen sich ermorden/wie der Tyrann wolt/Denn damit betten sie yhrem Keiser nicht wol gedienet/ia viel schadens gethan/Sondern sie haben trewlich die faust geregt/vnd nach yhrs herrn gebot/frölich drein gestochen vnd gehawen/Als die freylich wol gewußt vnd gedacht haben/das sie auff das mal/nicht als Christen/sondern als diener vnd vnterthanen des Keisers mit leib vnd gut/gefoddert waren/zu streiten/zu würgen/vnd den feinden schaden zu thun/Vnd welche darüber sind erschlagen/sind eitel heiligen worden/als die/nicht allein rechte Christen/sondern auch frume gehorsame trewe vnterthane/erfunden sind/Also sollen itzt die Christen auch thun/Denn der Türck ist ein feind vnd Tyrann/nicht allein widder Christum/sondern auch widder den Keiser vnd vnser oberkeit/Foddert sie nu die oberkeit/sollen sie ziehen

2. m. B.  
Er. 11. B.  
1. P. 11.

hen vnd drein schmeissen/wie gehorsame vnterthanen/Werden sie darüber erschlagen/Wolan/so sind sie nicht allein Christen/ sondern auch gehorsame trewe vnterthanen gewesen/ die leib vnd gut ynn Gottes gehorsam bey yhre oberhern zugesetzt haben/Selig vnd heilig sind sie ewiglich/wie der frume Dias.

12. Aug. 21.  
3

Aber weil der Türcke gleichwol Gottes rute vnd eine plage ist vber die sünde/ beide der Christen vnd vnchristen odder falschen Christen/ so sol sich solches trostes vnd trotzes/ danon bis her gesagt/ nicht ein iglicher annehmen/Vnd tollküne daher faren/vñ sprechen/ Ich bin ein Christ/ Ich wil dran/ Sondern zuuor/ sich beferen vnd sein leben bessern/ vnd also mit furcht vnd ernstlichem gebet/ zu solchem trost vnd trotze komen/Denn ich hab droben gesagt/weil Dentsch land so vol bosheit vñ lesterung ist/das zu hoch vber macht ist/vnd yn hymel schreyet/kans nicht anders werden/wo wir vns nicht bessern vnd ablassen von verfolgung vnd lesterung des Euangelij/wir müssen herhalten vnd eine staupeliden Wo es der Türcke nicht thut/ so mus doch etwas anders thun/Es were denn/das der iüngst tag selbs keine/Es kome aber staupen odder iüngster tag/Wer Christen ist/vnd sich gebessert hat/der kans er leiden vnd wird selig/Die andern müssen gestrafft vnd verloren werden/Von diesem stücke/das man sich bessern vnd beten solle/habe ich gnugsam geschrieben ynn ihenem büchlin vom Türcken kriege/das nicht not widerumb hie zu erholen.

Das

1 Das sey gnug vom ersten teil dieser predigt/nemlich/die gewissen zu vnterrichten vnd trösten/Nu wöllen wir das ander für vns nemen/Auch die faust zu vermanen/das ist/das man leib vnd gut dran wagen vnd williglich dran strecken solle/Vnd wo die oberkeit zu diesem streit/schätzung foddert/das man die selbigen gebe/wie man schuldig ist/zun Römern am dreyzehenden. Desselbigen gleichen/wo sie die person odder leib foddert/sol man auch zu lauffen/denn da hat Got gehorsam geboten/Denn vnser Jungkern vom Adel/haben bis her gnug gebrasset/geschlemmet/gerennet/gestoltzirt/gebrangget/mit alzu vberflüssiger kost vnd kleidung/dadurch sie alles gelt aus Dentschem lande geschut/vnd sich/on was der sünden widder Gott ist/an leib vnd gut verderbet/Es ist zeit/das sie auch yhren stand vnd ampt beweisen/vnd ein mal/mit ernst sehen lassen/das sie vom adel sind. Desselbigen gleichen auch die bürger vnd kauff leut/mit vbermessigem schmuck vnd vnzelichem wucher vnd geitz/lange gnug yhre lust gebüffet/Waben sie so viel hundert tausent gülden so lange verkleidet/verthan odder versamlet/sollen sie auch ein mal/eine busse davon geben/vmb yhrer hoffart willen/dazu sie bis her/so guten stillen fride gehabt/vnd des nusse braucht.


Also auch der handwercks vnd bayrs man/haben so lange her mit vbersetzen/schinden/stelen vnd rauben/neben andern grossen mutwillen vnd vngehorsam/eine redlich busse wol verdienet/sonderlich sint der zeit das Euangelion an tag ist komen/da

E durch

Am 14.  
16. 17. 18.

Can. 11.  
12. 13. 14.

Am 14.  
15. 16.



durch sie frey vnd reich geworden/von allen schin-  
dern vnd bettlern erlöset/das sie meinen/sie dürfen  
Gott nicht mehr geben/noch allen seinen dienern/  
sondern allein zu sich scharren vnd reissen/auff dem  
marckt durch vbersetzen/gleich als aus dem beutel/  
stelen/Dazu sie bis her grossen fried gehabt/gefö-  
fen/getantz vnd gesungen haben ynn aller sicher-  
heit/Wolan/was sie ersparet/gestolen vnd gesam-  
let haben/was sie yhren Predigern vnd Pfarhern  
entzogen/das sollen sie bruder Veiten den lands-  
knechten zu samen bracht haben/vnd keinen danck  
dazu haben/Die Fürsten sollens on alle barmherz-  
igkeit von yhn nemen/vnd kriegs volck damit hal-  
ten/*Quod non tollit Christus/tollit fiscus*/So  
sol es geben/Wastu nicht wöllen einen gülden  
geben zum frieden/Gotte zu liebe vnd dienst/so gib  
nu zehen odder zwentzig/zum streit/Gotte zur straffe  
vnd busse/Daben wir guts empfangen von dem  
Herrn (spricht Diob) warumb wöllen wir das  
böse auch nicht leiden?

Es hat ein iglichs thun seine zeit / Spricht  
Salomon Ecclesiastes am ersten / Bis her ist fr-  
dens zeit geweest/nu ist streitens zeit/Bis her/bras-  
sens vnd brangens zeit/Nu aber sorgens vnd erbei-  
tens zeit / Bis her/wucherns/stelens/scharrens  
zeit/Nu aber ausgebens/bezalens/vnd aus fire-  
wens zeit/Bis her/essens/trinckens/tantzens/freu-  
den/lachens zeit/Nu aber traurens/schreckens/  
fürchtens/weinens zeit/Bis her/ringens/schlaf-  
fens/müßig gehens/sicher lebens zeit/Nu aber  
wachens

woachens/vnrüge/schaffens/werens zeit/Waben  
wir ihene gute zeit kund gerne haben/vnd dennoch  
Gotte nichts dafür dancken noch erkennen/So laß  
vns nu diese böse zeit auch dulden/vnd dran lernen/  
für ihene gute zeit dancken/Ja Wenn Gott ymer  
gute zeit gebe/vnd liesse vns drinnen mit aller bos-  
heit vnd mutwillen die erden füllen bis an den hy-  
mel hinan/vnd hies vns dazu lieben Junckern/das  
möchten wir leiden/vnd sind also der guten tage  
vnd fridens ynn aller büberey gewonet/Nu wills  
vns saul thun/das auch böse zeit vñ vnfride kömpt/  
Vnd wöllen scheel vnd saur sehen/schatzung zu ge-  
ben odder selbes zu reifen/Ja man müßts vns be-  
stellen/Warumb hastu zumor nicht gehorcht/da  
man dir Gottes wort sagt/So höre nu den teuffel  
ym Türcken/der du Gott nicht hören woltest ynn  
Christo.

Sperrestu dich aber vnd wilt nicht geben noch  
reifen/Wolan/so wird dichs der Türcke wol ler-  
nen/Wenn er vns land kömpt/vnd thut dir wie er  
itz vor Wien gethan hat/Nemlich/das er keine  
schetzung noch reise von dir fordert/sondern steckt  
dir hans vnd hoff an/nympt dir vihe vnd futter/  
gell vnd gut/sticht dich zu tod (wo dir noch so gut  
wird)sehendet odder würget dir dein weib vnd töch-  
ter für deinen augen/zuhacket deine kinder vñ spießet  
sie auff deine zaunstecken/Vnd muß dazu/das das  
ergeste ist/solchs alles leiden vnd sehen/mit bösem  
verzagtem gewissen/als ein verdampfer vnchrist/  
der Gott vnd seiner oberkeit vngehorsam geweest ist/  
odder füret dich sampt yhn weg ynn die Türckey/  
L ij verkuufft

*My 22 Jun 92  
Crisch  
Junge*

verkauft dich daselbs wie einen hund/das du dein leben lang must umb ein stück brods vnd trunck wassers dienen ynn stettiger arbeit tag vnd nacht/mit ruten vnd knüttlen getrieben/vnd dennoch keinen lohn noch danck verdienen/Und wo ein sturm sol geschehen/mustu der verloren hauffe sein/vnd alle arbeit ym heer thun/Über das kein Euangelion hören/Nichts von Christo vnd deiner seelen seligkeit lernen/Als denn würdestu gern von zwo kien eine zur schertzung geben/Gerne würdestu selbs die helfft deiner gütter auch anbieten/gerne selbst vnter deinem Fürsten reisen/gerne einen Prediger selbs erneren/der dir ym iar vier mal predigte/vnd wird alles umb sonst sein/Sihe/das wiltu haben/darnach ringestu itzt/Denn der Türcke ist der man/der dich lernen wird/was du itzt für gute zeit hast/vnd wie iemerlich/vndanckbarlich/böslich/du sie widder Gott/seine diener/vnd deinen nehisten zubracht/verseumet vnd missgebraucht hast/Der Türcke weis den Adel zu mustern vnd zu demütigen/die bürger zu züchtigen vnd gehorsam zu machen/die baurn zu zemen vnd den mutwillen zu büßen/Darumb/dencke vnd sey frum/vnd bitte Gott/das der Türcke nicht dein schulmeister werde/das rat ich dir/Er hats vor Wien alzu grevolich beweiset/wie ein wüster vn sauber zuchtmeister er sey.

Ich wolt wünschen (wo vns vnser sünde für Got so viel witz vñ mut lieffen) das alle Dentschen so gesinnet weren/das sich kein flecklin noch dorfflin plündern noch weg führen lieffen vom Türcken/  
Sonz

Sondern wenns zu solchem ernst vnd not keme/das sich werete was sich weren kund/ung vnd alt/man vnd weib/knecht vnd magd/bis das sie alle erwürget würden/dazu selbs haus vnd hoff abbrenneten vnd alles verderbeten/das die Türcken nichts fünden/denn Junge kindlin/welche sie doch on das spießen vnd zu hacken/wenn sie vns lebendig weg führen/vnd wir den selbigen doch nicht helfen können/Und das solchs geschehe mit vorgehendem gebet zu Gott/darynn sie alles seiner gnaden befolhen/vnd als ym gehorsam der oberkeit/wie droben gesagt. Es were yhe besser/das man den Türcken ein leer land liesse/denn ein volles/Und wer weis/was solche thurst schaffen würde bey den Türcken/Werden wir weg gefurt/so haben wirs viel erger/denn so wir erwürget werden/wie droben gehört/Und ist grosse fahr/das wir ynn der Türckey vom Christlichen glauben/zum Türckischen glauben fallen würden/zum teuffel ynn die helle hinein.

*4. Märische vñ  
Trunkfenn  
hatly auch gesting*

Schreiben doch die Römer selbs/von den Dentschen weiber/das sie vorzeiten eben so wol als die menner zu felde gezogen vnd gestritten haben/Und welche magd odder iungfraw nicht hat einen feind erwürget/hat zur straffe müssen iungfraw bleiben/So schreiben die neuen historien von den Türcken/da sie zu Lemno ynn Griechen land sind eingefallen/vnd den thorhüter erschochen/hat die tochter des thorhüters/da sie den vater tod gesehen/seine were genommen/vnd den Turcken ym thor/so lange geweret/bis die burger dazu komen sind/vnd  
L ij die

die Türcken vertrieben haben/Thun doch die Türcken selbs auch also/das sie sich ehe vnd lieber erwürgen/ denn fangen/lassen/Vnd nemen keine gefangene widder an/ob sie gleich gerne widder heim wolten.

• Denn ich achte kein heustlin so geringe/wo man sich draus weren wolte/die feinde müsten har drüber lassen/Doch solchs alles wissen die kriegsleute besser denn ich/der ich mich auff solch gelegenheit vnd leuffte nichts verstehe/Sondern danon rede ich/weil es doch ynn solchem fall mus gewagt sein/Vnd keiner gnaden bey dem Türcken zu hoffen ist/wenn er vns weg füret/sondern alles vnglück/hon vnd spot leiden müssen leiblich/dazu ynn geistlicher ferlichkeit der seelen/des worts beraubt sein/vnd yhr ergerlich Mahometisch leben sehen müssen/so decht ich/es were das beste/Gott sich befehlen/Vnd aus gethaner pflicht vnd gehorsam der oberkeit/sich weren so lange vnd mit wasser weise/man ymer köndte/vnd sich nicht fangen lassen/sondern würgen/schieffen vnd stechen ynn die Türcken/bis wir da legen/Denn das du umb der iungen kindlin willen gedechtest/dein leben zu behalten/ist nichts/Weil du gehöret hast/das die Türcken/solche kindlin/vnd was sie nicht mit führen mügen/alles erstechen/zu hacken vnd spießen/das du doch yhn widder helfen noch retten kanst/sondern allein grössern iamer vnd elend dran sehen must.

• Vnd ob sie gleich die kindlin mit dir weg füren/so darffestu nicht hoffen/das sie die selbigen lassen bey dir bleiben/da wird nicht aus/Man verkufft ynn der Türckey die gefangene Christen/wie  
das

das rieche/vnd wie die sew/achtet nicht/Wer hie vater/mutter/kind odder weib sey/Da wird das weib dorthin/der man hieher verkaufft/Also gehets auch mit eltern vnd kindern zu/das keins bey dem andern gelassen wird/wie die keuffer vnd verkeuffer wollen/Das doch allenthalben besser were/dahemen ym hause/sich weren vnd erwürgen lassen ynn Gottes willen vnd der oberkeit gehorsam/denn sich ynn solch ferlich/schendlich gefengnis geben. Das ist mein guter wunsch/Aber ich halt/es wil wol ein wunsch bleiben/Denn ich solchs sage/meinen lieben Christlichen Deudschen zu gut/so da gerne wollen vnterricht sein/Die andern bedürffen nichts/haben selbs gut dünnckel sack vnd fas vol/Aber wollen wir mit dem Türcken streiten vnd vns weren/so werden wir müssen andere vnd new gedancken fassen/vnd vns anders schicken vnd gewohnen/beide mit hertz vnd hand/denn wir bisher gewohnet sind.

• Die bey mus ich auch eine vermanung thun/vnd einen trost geben den Deudschen/so bereit ynn der Türckey gefangen sind/odder noch gefangen möchten werden/gleich dem exempel nach des heiligen propheten Jeremia/welcher auch einen brieff schreib gen Babylonien/vñ vermanet seine gefangene Jüden/das sie solten gedültig sein ym gefengnis vñ ym glauben feste bleiben/bis auff die zeit yhrer erlösfange/das sie sich nicht ergern solten an der Babylonier glauben vnd Gottes dienst/welcher gros war vnd trefflichen schein hatte/das gar viel Jüden dahin fielen/wie ich denn höre vnd lese/das auch die  
Christen

Christen seer abfallen vnd des Türcken odder Mahomeths glauben williglich vnd vngewonnen an nemen/ vnd des grossen scheins willen/den sie haben ynn yhrem glauben/Darumb merck auff mein lieber bruder/las dich warnen vnd vermanen/das du ia ym rechten Christen glauben bleibest/vnd deinen lieben Herrn vnd heiland Ihesum Christum/der fur deine sünde gestorben ist/nicht verleugnest noch vergessest.

So lerne nu/weil du noch raum vnd stat hast/die zehen gebot/dein vater vnser/den glauben/vnd lerne sie wol/sonderlich diesen artickel da wir sagen/Vnd an Ihesum Christ seinen einigen Son vnsern Herrn/der empfangen ist vom heiligen geist/geborn von der iungfrauen Maria/gelitten hat vnter Pontio Pilato/gecreuzigt/gestorben vnd begraben/Nidder gefaren zur hellen/Am dritten tag auff erstanden von den todten/auff gefaren gen hymel/sitzend zur rechten Gottes des allmechtigen Vaters/von dannen er komen wird zu richten die lebendigen vnd die todten zc. Denn an diesem artickel ligt/von diesem artickel/heissen wir Christen/vnd sind auch auff den selbigen/durchs Euangelion beruffen/getaufft/vnd ynn die Christenheit gezelet vnd angenomen/vnd empfangen durch den selbigen/den heiligen geist/vnd vergebung der sünden/dazu die aufferhebung von den todten vnd das ewige leben/Denn dieser artickel macht vns zu Gottes kinder vnd Christus bruder/das wir yhm ewiglich gleich vnd mit erben werden.

Vnd

Vnd durch diesen artickel wird vnser glaube gesondert/von allen andern glauben auff erden/Denn die Jüden haben des nicht/Die Türcken vnd Sarracener auch nicht/dazu kein Papis noch falscher Christ/noch kein ander vngleubiger/sondern allein die rechten Christen. Darumb/wo du ynn die Türckey komest/da du keine prediger noch bücher haben kanst/da erzele bey dir selbs/es sey ym bette odder ynn der erbeit/es sey mit worten odder gedanken/dein vater vnser/den Glauben/vnd die zehen gebot/vnd wenn du auff diesen artickel kömpfst/so drucke mit dem daumen auff einen finger odder gib dir sonst etwa ein zeichen mit der hand odder fuß/auff das du diesen artickel/dir wol einbildest vnd mercklich machest/Vnd sonderlich/wo du etwa wirst ein Türckisch ergernis sehen odder anfechtung haben/Vnd bitte mit dem vater vnser/das dich Gott behüte für ergernis/vnd behalte dich rein vnd feste ynn diesem artickel/Denn an dem artickel ligt dein leben vnd seligkeit. Eben so vermanet S. Jeremias seine Jüden auch zu Babylonien/wenn sie die gülden vnd sylbern götzen sehen würden/solten sie an yhren Gott zu Jerusalem gedanken/vnd bey sich sprechen/Herr dich allein sol man anbeten zc. Also thu hie auch/Wo du bey den Türcken wirst etwa sehen/einen grossen schein der heiligkeit/so las dichs nicht bewegen/sondern sprich/Vnd wenn du ein Engel werest/so bistu dennoch nicht Ihesus Christus/Herr Ihesu an dich glaube ich alleine/hilff mir zc.

Vnter andern ergernissen bey den Türcken/ist

5 das

das wol das fürnemste / Das yhre priester odder  
geistlichen / solch ein ernst / dapffer / strenge leben für  
ren / das man sie möcht für Engel vnd nicht für  
menschen ansehen / das mit allen vnsern geistlichen  
vnd mōnchen ym Bapstum ein schertz ist gegen sie /  
Offt werden sie auch entzüct / auch vber tisch bey  
den leuten / das sie sitzen als weren sie tod / Thun  
auch zu weilen grosse wunderzeichen dazu / Wen solt  
nu solchs nicht ergern vñ bewegen ? Du aber / wenn  
dir solche für kōmen / So wisse vnd gedencke / das sie  
dennoch nichts von deinem artickel odder von dei-  
nem Herrn Ihesu Christo wissen noch halten /  
Darumb so mus es falsch sein / Denn der teuffel  
kan auch ernst sein / saur sehen / viel fasten / falsche  
wunder thun / vnd die seinen entzücten / Aber Ihesu  
Christum mag er nicht leiden noch hören /  
Darumb so wisse / das solche Türckische heiligen /  
des teuffels heiligen sind / die durch yhre eigen grosse  
wercke / wollen frum vnd selig werden / vnd andern  
helffen / on vnd außser dem einigen heilande Ihesu  
Christo / vnd verführen also beide sich selbs vnd alle  
andere / die diesen artickel von Ihesu Christo nicht  
wissen odder nicht achten / aller dinge / wie vns vnser  
Mōnche haben wōllen zum hymel helffen mit yhret  
eigen heiligkeit.

Zum andern / wirstu auch finden / das sie ynn  
yhren kirchen offte zum gebet zu samē kōmen / vnd  
mit solcher zucht / stille / vnd schönen eusserlichen ge-  
berden / beten / das bey vns ynn vnsern kirchen / sol-  
che zucht vnd stille auch nūrgent zu finden ist / Denn  
da sind die weiber an sonderlichem ort / vnd so ver-  
hüllet /

hüllet / das man keine kan ansehen / das auch vnser  
gefangen brüder ynn der Türckey / klagen vber vnser  
volck / das nicht auch ynn vnsern kirchen / so still / or-  
denlich vnd geistlich sich zieret vnd stellet / Sibe / das  
möcht aber mal ein solchen gedanken geben ynn  
dein hertz vnd sagen / Für war / So fein halten vnd  
stellen sich die Christen nicht ynn yhren kirchen ꝛc.  
Da drücke aber mal mit dem daumen auff einen  
finger / vnd dencke an Ihesum Christum / den sie ni-  
cht haben noch achten / Denn las sich zieren / stellen /  
geberden / wer do wil vnd wie er wil / gleubt er nicht  
an Ihesu Christ / so bistu gewis / das Gott lieber  
hat / Essen vnd trincken ym glauben / denn fasten on  
glauben / lieber wenig ordenlich geberde ym glau-  
ben / denn viel schöner geberd on glauben / lieber we-  
nig gebet ym glauben / denn viel gebet on glauben /  
Christus vrteliet doch / ym Euangelio Luce am sie-  
benden / das die arme sunderin frūmer were mit we-  
nigen geberden / denn Simon der aussetzige mit al-  
lem seinem geprenge / Vnd der arme sunder der Zöl-  
ner / musste besser sein / on fasten vnd feyren / denn der  
homütige Phariseer mit seinem fasten vnd aller heil-  
igkeit / Vnd sprach dazu widder die hübschen vn-  
glenbigen phariseer alle / Wurn vnd Zölner werden  
ehe gen hymel kōmen denn yhr.

Zum dritten / wirstu auch walsarten zu den  
Türckischen heiligen daselbst finden / die doch nicht  
ym Christen glauben / sondern ym Mahomets glau-  
ben gestorben sind / wie sie bekennen vnd rhūmen /  
Da geloben sich die Türcken hin / lauffen vnd ruffen  
S ij sie

sie an/aller massen/wie wir zu vnsern Walsarten ge  
 lauffen sind/vnd vnser heiligen angeruffen haben/  
 Es wird auch vielen geholffen/vnd geschehen viel  
 grosser zeichen/gleich wie bey vns auch geschehen  
 ist/Don solchen falschen wunderzeichen/haben wir  
 oft vnd viel geschriben/die bey vns/von den heili-  
 gen (als wir gemeinet) vnd bey den Walsarten ge-  
 schehen/das auch etliche todten aufferweckt/blin-  
 den sehend/lamen gehend/worden sind/vnd der  
 gleichen/wie denn Christus/verkündigt hat Mat-  
 thei am vier vnd zwentzigsten/das die falsche Chri-  
 sti vnd falsche propheten solche wunder thun solten/  
 das auch die aufferweleten möchten verführet wer-  
 den/Des gleichen S. Paulus ynn der andern Epi-  
 steln zum Thessalonicern am vierden/auch verkün-  
 digt/Denn das ist dem teuffel ein geringes/einen  
 menschen zu plagen/das er vnd yederman nicht an-  
 ders wehnet/denn er sey blind/lam/tod/Darnach/  
 wenn er damit hat seine abgötterey angericht/vnd  
 die leute von Christo/etwa zum heiligen (das ist sich  
 selbs) anzuruffen getrieben/als denn ablasse zu pla-  
 gen/das der mensch gleube/Sein heilige habe yhm  
 geholffen/Er kan auch wol so viel kunst/das er zu  
 weilen rechte krankheit vertreiben vnd rechte sehe-  
 den heilen kan/Denn er ist ein Doctor vber alle doc-  
 tor ynn der ertzney/dazu ein Fürst der welt/Sihe/  
 was wunder thut er bey vnd durch seine zeuberer/  
 wie seltsam er yhm hilfft/vnbegreifliche ding zu  
 thun.

Was thet er dem heiligen Man Diob/welch  
 einwetter vnd donner macht er ynn der lufft/vnd  
 ver-

verbrand yhm alle sein gut/vnd tödtet yhm seine  
 kinder/dazu schlug er yhm seinen eigen leib/mit  
 gewlichen bösen blatern vnd schweren/Sihe/wie  
 er vnsern Herrn Christum selbs ynn den lufften für-  
 rete auff den tempel/vnd vom tempel auff den ho-  
 hen berg (als were er sein Gott) vnd zeiget yhm alle  
 reiche auff erden/ynn einem augenblick/Kan er nu  
 wetter machen/blatern schaffen/ynn lufften für-  
 ren/vnd also mit den heiligen spielen/dazu mit Chri-  
 sto selbs/was solt er nicht vermügen mit seinen got-  
 losen vnd vnchristen? Darumb sey gewarnet/  
 Wenn du ynn der Türckey zeichen sehen odder hö-  
 ren würdest/das du gedenckest bey dir selbs/vnd  
 sprechest/Vnd wenn du alle todten auff wecktest/  
 vnd alle zeichen thettest/weil du da neben Ihesum  
 Christum verleugnest vnd lesterst odder nicht ken-  
 nen wilt/so glenbe dir der teuffel an meiner stat/ich  
 wil lieber on zeichen vnd wunder bey meinem schwa-  
 chen Christo bleiben/denn zu dir starcken vnd mechs-  
 tigen wundertheter fallen.

Vnd ist zwar ynn der Türckey das vortell/das  
 man solche falsche wunder leichtlich kennen vnd  
 sich dafür hüten kan/weil die selbigen nicht ynn  
 Christus namen geschehen/sondern widder Chri-  
 stus namen/ynn des Mahomets namen/Denn wie  
 gesagt/Sie halten nichts von Christo/spotten vnd  
 lestern viel mehr die Christen mit dem namen Chri-  
 sti/als mit eines vntächtigen heiligen namen/der  
 die seinen verlesst vnd yhm nicht hilfft widder den  
 Mahometh/Aber bey vns ynter dem Bapstum/  
 G sind



Rom. 14.

So wisse nu / das Christus reich stehet nicht ynn  
essen odder trincken / auch nicht ynn eusserlichen ges-  
berden / sondern ynn glauben des hertzen / Luce am  
siebenzehenden zc. vnd las dich solch gleissen nichts  
anfechten.

Über diese ergernis / schlegt nu das grosse glück  
zu / das die Türcken so mechtig worden sind / so viel  
sieg haben / die Christen (wie sie meinen) so oft dar  
nidder gelegt haben / vnd bisher / so trefflich zu ge-  
nomen / das es keine vernunft anders deuten mag /  
denn das yhr heiligkeit solchs verdiene / vnd yhr  
glaube vnd wesen Gotte so wol gefalle / Darüber sie  
so starrig / hart vnd verstockt werden / das man mei-  
net / es sey vnmüglich einen Türcken zu bekeren /  
Widderumb halten sie / das kein erger volck sey / denn  
die Christen / vnd kein schendlicher glaube / denn der  
Christliche glaube / Vnd fallen daher ynn solchen  
vberschwenglichen hohmt zu lestern vnd zu schen-  
den Christum vnd seine Christen / das sie vnter-  
inander rhümen / spotten vnd sagen / Die Christen  
sind Weiber / Aber die Türcken sind yhre Männer /  
als weren sie allein eitel Welden vnd Lifen / Vnd wir  
Christen eitel weiber vnd memmen / Wissen aber  
nicht / wie saur es wird mit yhn ausgehen / Die stol-  
tzen Babylonier / waren auch männer / vnd die Jü-  
den musten weiber sein / Aber die selbigen weiber /  
blieben zu letzt beide man vnd herr / da die Babylo-  
nier widder haut noch har behielten.

Sihe vnter diesem heiligen schein der Türcken /  
ligen verborgen / ia vnuerborgen / so viel vngeworren  
schrecklicher gewel / nemlich / das sie Christum  
nicht

nicht allein leugnien / sondern auch lestern vnd schen-  
den / mit sey in blut / sterben / aufferstehen vnd mit als-  
lein gut / das er der welt gethan hat / vnd setzen yhs  
ren Mahometh vber yhn / damit sie auch Gott den  
Vater lestern / vnd den teuffel an Gottes stat ehren /  
Darnach auch solch bluthunde sind / so greulich  
viel blut vergiessen vnd mord begeben / ynn so viel  
lendern / als nie auff erden gehöret ist / Dazu solch  
Welsch vnd Sodonisch vnkeuscheit treiben / das  
nicht zu sagen ist für züchtigen leuten / on was das  
ist / das sie die ehe so gar nichts achten / Sind dazu  
die aller grössten reuber vnd verderber aller land  
vnd leute / Vnd wer wil alle solche gewel erzeien /  
der sie doch keine für sinde halten / sondern alles für  
eitel tugent / Das heisst blindheit vber alle blind-  
heit / Vnd wird solchs alles mit dem eusserlichen  
schein (wie gesagt) also geschmückt / das viel Chris-  
ten abfallen vnd zu yhrem glauben / vnd zu solchem  
greulichem heilichem schönen teuffel / williglich  
sich geben / Vnd zwar / wo solche falsche heiligkeit  
ist / da müssen alle laster auff eym hauffen sein / wie  
wir wol sehen an vnsern geistlichen / das yhr lestern  
hohmt / mord / geitz / vnzucht vnd aller laster kein  
mas ist.

Sie trösten sich aber mit diesem spruch / Ey  
meinstu das Gott so viel leute / so lange solt yren  
vnd verdammen lassen / wie sich vnser Endechrist  
auch tröstet / Welcher spruch odder gedanken / auch  
wol kan einen bawfelligen Christen stossen / vnd ei-  
nen halstarrigen buben stercken / gleich wie sich die  
Jüden vorzeiten / auch damit setzten widder die heis-  
G iij ligen

ligen Propheten / vnd sprachen / **Ey** Gott ist nicht so zornig / Er wird nicht so vbel thun / wie Micheas schreibet vnd die anderen / Aber man mus diesen spruch vnd gedanken aus den augen thun / vnd von Gottes werck odder vrtail / nicht richten / nach menschen werck odder vrtail / Denn es ligt nicht dran / ob viel odder wenig menschen / glauben odder nicht glauben / verdampt odder selig werden / Sondern da ligts an / Was Gott gebotten odder verbotten hat / Was sein wort odder nicht sein wort sey / Da sol man auff sehen vnd nach dencken / vnd die gantze welt nicht achten / ob sie gleich allzu mal zum teuffel füren / Denn Gott vnd sein wort bleiben / ob gleich hymel vnd erden vergehen / Darumb halte fest / halte fest / sage ich / an deinem Christo / das du für solchen pfeilen vnd stürmen des teuffels / sicher sein / vnd ein Christ bleiben mügest / so wirstu selig / Das Türcken vnd alle gottlosen / wenn sie nicht anders wollen / zum teuffel faren.

Das sey von der vermanung an die gefangene / auff das sie ym glauben feste bleiben / widder alle ergernis vnd anfechtungen / Nu wollen wir sie auch trösten / das sie gedültig sein sollen ynn yhrem gefengnis / vnd alle yhr elende / vmb Gottes willen williglich leiden vnd tragen. So mercke nu / Wo es Gott verhenget / das du vom Türcken gefangen / weggefurt / vnd verkauft wirst / das du must yhres willens leben vnd ein knecht sein / So dencke / das du solch elende vnd dienst / von Gott zu geschickt / gedültig vnd willig an nemeest / vnd vmb Gottes willen

willen leidest / vnd auffs aller trewlichst vnd vleissigst deinem herrn ( dem du verkauft wirst ) dienst / vnangesehen / das du ein Christ vnd dein herr ein heide odder Türcke ist / darumb er nicht werd solte sein / das du sein knecht sein soltest / Vnd bey leibe lauffe nicht weg ( wie etliche thun ) vnd meinen / sie thun recht vnd wol dran / Etliche auch sich selbs ersuffen odder sonst erwürgen / Nicht / Nicht so / lieber bruder / Du must dencken / das du deine freyheit verloren hast / vnd eigen worden bist / daraus du dich selbs / on willen vnd wissen deines herrn / nicht on sünde vnd vngheorsam / wircken kanst / Denn du raubest vnd stielest damit deinem herrn / deinen leib / welchen er gekauft hat odder sonst zu sich bracht / das er fort hin / nicht dein / sondern sein gut ist / wie ein viche / odder ander seine habe.

Denn hie ist's zeit / zu gehorchen vnd zu halten / die sprüche S. Petri vnd Pauli / da sie leren / das die knechte odder leibeigen / sollen yhren leiblichen herrn gehorsam / trew / demütig / ehrtam vnd vleissig sein / nicht anders / denn als dienen sie Christo dem Herrn selbs / ob gleich die herrn vnchristen odder böse sein / wie du lesen magst ynn der ersten Episteln zum Corinthern am siebenden / Ephesiern am sechsten / Vnd zum Coloffern am dritten Cap. Yhr knechte seid gehorsam ynn allen dingen ewren leiblichen herrn / nicht mit dienst für augen / als den menschen zu gefallen / sondern mit einfeltigkeit des hertzen / vnd mit Gottes furcht. *re.* Auch ynn der ersten Episteln Sanct Petri am Andern Capitel.

Denn

Denn wo du sonst ein rechter Christ bist/schadet dir solcher dienst vnd elend nicht / Ja wo du sein kanst Christlich vnd gedultig brauchen/ist dirs gut vnd nützlich zur seligkeit/als dein creutz/darynn dein glaube geübet vnd beweret wird/Bedencke an die exempel aller heiligen/Sihe/wie der Ertzuater Jacob / dem schalckhafftigen argen Laban seinem schweher dienet vmb Rachel/vnd hielt yhm seinen dienst trewlich aus/Genesis am dreyssigsten Capitel/Vnd darnach sein son Joseph/wie der selbige seinem vater gestolen vnd verkaufft von seinen eigen brüdern/yhn Egypten seinem heidnischen herrn so trewlich dienet/vnd drüber yhn Kercker kam/Aber zu letzt herrlich heraus kam/vnd ein herr des landes ward/Genesis am acht vnd dreyssigsten Capitel/Item wie einen schweren dienst das gantz volck Israel musse thun lange zeit dem Könige Pharao yhn Egypten/Exodi am ersten Capitel/Vnd lieff doch keiner aus seinem dienst / wie vnslachtig odder heidnisch vnd böse yhre herrn waren.

Item hernach / war das nicht ein schwerer dienst/da das Königreich Israel/gen Assyrien/vnd hernach/das Königreich Juda gen Babylonien geführt ward/da mussten/König/Königin/Fürsten/Priester/Propbeten/vnd viel heiliger leute/denn du bist/dienen/vnd knechte sein/wie Daniel vnd seine gesellen ( Danielis am ersten Capitel ) vnter dem grawsamem Könige / da sie viel fertigkeit leibs vnd seelen/teglich warten vnd auch dulden mussten/mit aller schmach vnd spott/wie der hundert sieben vnd dreyssigst

dreyssigste Psalin wol anzeiget / Super flumina Babylonis etc. Da sind freylich auch vngedultige Jüden geweest/die geheulet/geklagt/geflucht vnd gemurret haben/etliche dazu vom Judenthum gefallen vnd heiden worden sind/Aber es musse gleich wol sein / Die frumen hatten gedult/lieffen nicht weg/sondern dieneten mit aller trew vnd vleis/wie Daniel vnd seine gesellen/vnd blieben ym rechten glauben / Darümb wurden sie auch erhöhet vnd von Gott gnediglich vnd wunderlich erlöset.

Vnd das wir zum newen Testament komen/Must nicht Christus / die Jüden vnd den heiden Pilaton vnd Heroden mit sich machen lassen/was sie wolten? Musse nicht Paulus gefangen sein / vnd fast alle Apostel/etlich yhn das elend verstoffen vnd verbannet/als S. Johannes yhn pathmos/Vnd hernach viel heiliger Werterer aus Rom vnd andern stedten/von haus vnd hoff/von weib vnd kind/yhn ferne wüste Insulen vertrieben / vnd da selbst yhn stein brüchen vnd ander schwere arbeit/wie die esel/erbeiten/Warümb woltestu es besser haben/denn dein Herr Christus selbst/mit allen seinen heiligen ym alten vnd newen testament? Der tüngeer solt nicht besser haben / denn sein meister ( spricht Christus ) Denn ist er rechtschaffen/wenn es yhm gehet/wie seinem meister/Luce am sechsten.

Mit vnwillen vnd vngedult thust du nicht mehr/denn das du deinen herrn/des knecht du worden bist/ergerst vnd deste böser machest/Schendest  
D dazu

